



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-1/21-3-40-552-3/21**
Datum: **29.11.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica KJKP „RAD“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda sa lokacije asfaltne baze kapaciteta 50 t/h, sa pratećim objektima i sadržajima, koja je smještena u naselju Rajlovac u blizini nadvožnjaka željezničke pruge Sarajevo-Zenica-Ploče, na građevinskom zemljištu u vlasništvu JP Željeznice Federacije Bosne i Hercegovine d.o.o. Sarajevo i Triše Božić, na osnovu člana 109. stav (1) tačke 2. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu KJKP „RAD“ d.o.o. Sarajevo daje se vodna dozvola za ispuštanje tehnoloških otpadnih voda sa lokacije postrojenja za proizvodnju asfalta kapaciteta 50 t/h, sa pratećim objektima i sadržajima, koje je smješteno u naselju Rajlovac u blizini nadvožnjaka željezničke pruge Sarajevo-Zenica-Ploče, na građevinskom zemljištu u vlasništvu JP Željeznice Federacije Bosne i Hercegovine d.o.o. Sarajevo i Triše Božić, na zemljištu označenom kao k.č. broj 1468 i k.č. broj 1761 K.O. Butmir Gornji, općine Novi Grad, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (slivnici sa rešetkama, kanalizaciona mreža, kontrolni šahtovi, separator ulja i masti, tankvane, depoi za frakcije i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se skladištenje sirovina i energenata koji se koriste u spravljanju asfalta vrši u: silosu za asfalt, kapaciteta 72 t, silosu za filer kapaciteta 30 t, dvije cisterne za bitumen (2x30 t), rezervoaru za lož ulje (1x20 000 l), rezervoaru za termo ulje kapaciteta 2400 l.
 - 3.4. Da korisnik poslovnog objekta za sve vrijeme trajanja ove vodne dozvole obezbjeđuje da se tehnološke otpadne vode sa radno-manipulativnih površina nesmetano skupljaju putem kanala sa slivnim rešetkama, odvođe do separatora ulja i masti kapaciteta $Q = 30$ l/s. Nakon tretmana, prečišćena voda se preko monitoring okna upušta u kanalizacioni sistem Depoa Željeznica Federacije BiH –depo Rajlovac.
 - 3.5. Čišćenje i pražnjenje uređaja za tretman tehnoloških otpadnih voda, odnosno separatora ulja i naftnih derivata, može vršiti isključivo firma ovlaštena za zbrinjavanje opasnog otpada, prema sklopljenom ugovoru.

- 3.6. Korisnik je obavezan da redovno vodi dnevnik o pražnjenju i odvozu sadržaja separatora ulja i naftnih derivata, izdvojenim naftnim derivatima i talogu.
- 3.7. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- 3.8. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.9. Ukoliko Vlada Kantona Sarajeva propiše dodatne (strožije) uvjete za ispuštanje otpadnih voda od uvjeta definisanih u članu 21. stav (2) Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Sadržaj (talog) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.12. Da korisnik obavezno praktikuje suho čišćenje radnih i manipulativnih površina prije pranja vodom, da bi se uklonile nečistoće, trošilo manje vode za pranje i time smanjilo zagađenje okolnog terena od čestica prašine i oborinskih voda sa lokacije radnog prostora postrojenja.
- 3.13. Da se sav opasan otpad koji će nastati na prostoru asfaltne baze sa pratećim sadržajima redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice KJKP „RAD“ d.o.o. Sarajevo obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda u toku rada postrojenja za proizvodnju asfalta kapaciteta 50 t/h, sa pratećim objektima i sadržajima, smješteno u naselju

Rajlovac u blizini nadvožnjaka željezničke pruge Sarajevo-Zenica-Ploče, na građevinskom zemljištu u vlasništvu JP Željeznice Federacije Bosne i Hercegovine d.o.o. Sarajevo i Triše Božić, na zemljištu označenom kao k.č. broj 1468 i k.č. broj 1761 K.O. Butmir Gornji, općine Novi Grad, Sarajevo.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Aktuelni izvod iz sudskog registra, broj:065-0-RegZ-21-007997 od 03.09.2021. godine izdat od strane Općinskog suda u Sarajevu – ovjerena kopija,
- Rješenje o izmjenama podataka, broj:065-0-Reg-21-001200 od 007.04.2021. godine izdat od strane Općinskog suda u Sarajevu – ovjerena kopija,
- Uvjerenje o poreznoj registraciji od 06.06.2006. godine izdato od strane Porezne uprave-Kantonalni ured Sarajevo - ovjerena kopija,
- Uvjerenje o registraciji/upisu u Jedinostveni registar obveznika indirektnih poreza, broj:04/1-UPP/1-14984/07 od 06.09.2007. godine izdato od strane Uprave za indirektno-neizravno oporezivanje Banja Luka - ovjerena kopija,
- Punomoć broj:03-03-02-19270/2021 od 15.11.2021. godine izdata na ime Memić Hikmet, dipl.ing.rud.,
- Rješenje o izmjeni odobrenja za građenje, broj:UPI/02-4-23-2-57/01 od 17.07.2001. godine izdato od strane Federalnog ministarstva prostornog uređenja i okolice – kopija,
- Rješenje o odobrenju za upotrebu, broj: UPI/02-4-23-2-57/01-4 od 25.07.2001. godine izdato od strane Federalnog ministarstva prostornog uređenja i okolice – kopija,
- Rješenje o urbanističkoj saglasnosti, broj:UP-I/02-2-23-2-2/00 od 07.03.2000. godine izdato od strane Federalnog ministarstva prostornog uređenja i okolice – kopija,
- Rješenje o prethodnoj vodnoj saglasnosti, broj:07-06-25-13320/08 od 28.11.2008. godine izdato od strane Ministarstva privrede Kantona Sarajevo – kopija,
- Rješenje o vodnoj dozvoli, broj:UP-I/25-3-40-603-4/16 od 13.12.2016. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj: 07-04-25-18112/17 od 16.09..2019. godine izdato od strane Ministarstva privrede Kantona Sarajevo – kopija,
- Rješenje o okolinskoj dozvoli, broj:UP-I 05/2-02-19-5-131/20SC od 26.02.2021. godine izdato od strane Federalnog ministarstva okoliša i turizma – kopija,
- Rješenje o okolinskoj dozvoli, broj:UPI 05/2-73-11-78/15 SS od 03.11.2015. godine izdato od strane Federalnog ministarstva okoliša i turizma – kopija,
- Odluka o pokretanju i provođenju postupka javne nabavke, broj:05-03-05-18896/21 od 02.11.2021. godine sačinjena od strane KJKP „RAD“ d.o.o. Sarajevo, i Radni nalog na terenu, broj: 08/11/21 od 15.11.2021. godine napravljen od strane „Delta petrol“ d.o.o. Kakanj – kopije,
- Dokaz o uplaćenju upravnoj pristojbi na zahtjev

B Tehnička dokumentacija:

- Program obavljanja monitoringa-Ispitivanje kvaliteta otpadnih voda za KJKP „Rad“ d.o.o. Sarajevo-Asfaltna baza urađen od strane „Dvokut Pro“ d.o.o. Sarajevo, novembar 2021. godine,
- Plan zaštite od požara KJKP „Rad“ d.o.o. Sarajevo urađen od strane „Proving“ d.o.o. Sarajevo, februar 2008. godine,
- Plan aktivnosti sa mjerama i rokovima za postupno smanjenje emisija/zagađenja i usaglašavanje sa najboljom raspoloživom praksom za pogon asfaltne baze Rajlovac urađen od strane Instituta za hidrotehniku Građevinskog fakulteta, august 2009. godine,
- Idejni projekt vodosnabdijevanja i odvodnje oborinskih i otpadnih voda pogona za proizvodnju asfalta „Asfaltna baza Rajlovac“ Sarajevo urađen od strane Instituta za hidrotehniku Građevinskog fakulteta, novembar 2010. godine,
- Glavni projekat- Prikupljanje i zbrinjavanje tehnoloških-havarijskih ulja pogona za proizvodnju asfalta „Asfaltna baza“ Rajlovac Sarajevo urađen od strane Instituta za hidrotehniku d.d. Sarajevo, oktobar 2019. godine,

- Opći akt o održavanju, korištenju i osmatranju vodnog objekta u slučaju kvara ili havarije u RJ „Proizvodnja asfalta“ Bačići bb, urađen od strane KJKP „Rad“ Sarajevo, mart 2011. godine,

- Elaborat o ekološkoj ocjeni projekta i procesa proizvodnje asfaltnih masa u KJKP „Rad“ Sarajevo, Asfaltna baza Rajlovac, urađen od strane Zavoda za zaštitu na radu Sarajevo, februar 2000 godine,

- Elaborat o mjerama zaštite na radu za KJKP „Rad“ Sarajevo Asfaltna baza – Rajlovac, urađen od strane Zavod za zaštitu na radu Sarajevo, mart 2000. godine,

- Godišnji izvještaj o ispitivanju kvaliteta (monitoring) otpadnih voda za 2020. godinu, broj: IV-254-A11/20 urađen od strane Dvokut pro d.o.o. Sarajevo,

- Izvještaj o ispitivanju kvaliteta (monitoring) otpadnih voda, juni 2021. godine, broj: IV-156-A11/21 urađen od strane Dvokut pro d.o.o. Sarajevo

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uvidaj na prostoru proizvodnog pogona asfaltna baze i tom prilikom sačinjen Zapisnik o izvršenom uvidaju broj: UP-1/21-3-40-552-2/21 od 26.11.2021. godine.

Na osnovu dostavljene dokumentacije, izvršenog uvida na licu mjesta utvrđeno je sljedeće:

- Asfaltna baza smještena je na lokalitetu Rajlovac u blizini nadvožnjaka željezničke pruge Sarajevo – Zenica - Ploče, na građevinskom zemljištu u vlasništvu JP Željeznice Federacije Bosne i Hercegovine d.o.o. Sarajevo i Triše Božić, označenom kao broj zemljišta (parcele) broj 2242/1, odnosno kao k.č. br. 1468 i 1761 K.O. Butmir Gornji.

- U sklopu kompleksa asfaltna baze (u centralnom dijelu) instalirano je postrojenje Tanaka Iron Works C.o. Ltd. Japan tip 800 LB COSB, model: TAP – 800 LB + 60-SB, tip: stacionaran, šaržni s automatskom regulacijom, indirektnim grijanjem asfalta i motornim pogonom. Postrojenje je proizvedeno u Japanu, 1999. godine. Kapacitet postrojenja je 50 tona asfaltna mase na sat (bazirano na agregatu tj. šljunku sa prosječnom vlagom 5% i specifičnom težinom 1,6 t/m³).

- Sa desne strane postrojenja nalazi se cistena sa lož uljem 1x20 000 l. Sa lijeve strane postrojenja nalaze se dvije cisterne za bitumen (2x30 t), silos za asfalt kapaciteta 72 t, silos za filer kapaciteta 30 t, rezervoar za termo ulje kapaciteta 2400 l. Na terenu su realizovane aktivnosti na izgradnji/dogradnji tankvana (za lož ulje i bitumen) u skladu sa Glavnim projektom Prikupljanje i zbrinjavanje tehnoloških-havarijskih ulja pogona za proizvodnju asfalta „Asfaltna baza“ Rajlovac Sarajevo urađen od strane Instituta za hidrotehniku d.d. Sarajevo, oktobar 2019. godine.

- Mineralni agregati različitih frakcija dopremaju se kamionima sa kamenoloma izvan predmetne lokacije i skladište se na deponiji po frakcijama u krugu asfaltna baze. Sa deponije se mineralni agregati prebacuju u bunkere uz pomoć utovarivača.

- Radno manipulativni i vanjski skladišni prostor je asfaltiran. Nezagađene vode sa krovova i vode opterećene zauljenom komponentom sa radno manipulativnih površina se sistemom slivnika, kanala, rešetki odvođe na tretman do separatora ulja i masti kapaciteta (Q= 30 l/s). Nakon tretmana, prečišćena voda se preko monitoring okna upušta u kanalizacioni sistem Depoa Željeznica Federacije BiH Rajlovac.

- Zbrinjavanje sanitarno-fekalnih voda riješeno je priključkom na kanalizacioni sistem Depoa Željeznica BiH Rajlovac uz saglasnost KJKP „Vodovod i kanalizacija“ Sarajevo.

Investitor je angažovao certificiranu laboratoriju „Dvokut pro“ d.o.o. Sarajevo koja vrši monitoring otpadnih voda. Rezultati analiza kvaliteta i kvantiteta otpadnih voda tj. izmjereni parametri zadovoljavaju granične vrijednosti emisije otpadnih voda u skladu sa odredbama Uredbe. Ispitani uzorak vode od 18.11.2020. godine ukazao je da su vrijednosti ukupnih suspendovanih materija iznad dozvoljenih graničnih vrijednosti definisanih Uredbom.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva KJKP „RAD“ d.o.o. Sarajevo ispunio minimum uslova za izdavanje vodne dozvole za ispuštanje tehnoloških otpadnih voda sa prostora postrojenja za proizvodnju asfalta, sa pratećim sadržajima, Općina Novi Grad Sarajevo te je riješeno kao u dispozitivu ovog Rješenja. Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačko B obrazloženja rješenja

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- KJKP „RAD“ d.o.o. Sarajevo
- Paromlinska 57, Novo Sarajevo, (sa prilogima),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava